

10067
:101



皇朝文獻通考卷一百七十一

樂考 十七

樂歌三

行幸饒歌大樂章

乾隆七年定

大清朝第一

大清朝景運隆肇興俄朶奄有大東鵠啣果神靈育出

壹戎衣龍起雲從

解一

雷動奏膚功舉松山拔香山

如捲秋蓬天開長白雲地蹙凌河凍混車書山河



一統聲靈四訖萬國來修貢_二

皇宅中垂統爪朕嗥嗥

聖繼

聖功德兼隆昇平頌怙冒如天恩澤濃_三人青年豐時雍

風動荷天之寵慶

宸遊六龍早駕一朶紅雲捧扈

宸遊六師從幸萬里歡聲共

四時仗第二

御勾芒春載陽震位峙東方順時令駕蒼龍驂吉

良見垂虹青萍漸芳行慶施惠恩波浩蕩_一御祝

融暑正長南極星輝朗駕朱路萬騎騰驤贊俊傑

遂賢良_二蓐收節露華初降金風乍涼兌列西方

載白旗乘戎路移天仗萬寶告成

一人有慶天垂貺_三顓帝司方水泉始涸天際彩虹藏

乘元路駕鐵驪雲衢晃濬萬壘明霞捧太陽四時

節物邀歡賞_四

皇謨

聖德欽無兩舜日光天壤花明彩仗齊雲暖龍旗颺際

昌時咸翹企仙輿降際昌時咸翹企仙輿降

承天眷第三

承

天眷際風雲萬國車書奉

一人衣冠快觀唐虞盛九域抒丹悃殊方重譯盡來庭

和氣召嘉禎一解稽古訓溯昌辰元首明哉勵股肱

一心敬息丹書傲寰宇不違寧日新又日憲湯銘

翼翼更欽欽二解端不為繁華麗錦繡春端不為玉

樹菁葱太液澄喜今日調和玉燭烽煙靖不敢忘

百年有備軍容整那辭得陳師鞠旅擁旌旌

皇衷切憂盛更危明三解泰階奕奕璣衡正功業麟兮炳

千春清宴歌億載登豐慶喜金支紛旖旎蓬山境

喜金支紛旖旎蓬山境

貢琛球第四

琛球輸貢外藩歸化隸版圖正朔咸尊奉樂浪郡

在海東安南國粵嶠閩蠶叢日本國畏威震棟瓠

球國奉朝請與內臣同一解萬邦虎拜咸修貢于羽

何須用東風入律吹干呂青雲湧海安瀾更上獻

河清頌海安瀾更上獻河清頌

錦繡乾坤第五

錦繡乾坤佳麗御世立綱陳紀四朝輯瑞徵師濟

盼皇畿雲開雉扇移黎民引領鑾輿至安堵村村

颺酒旗恬熙御爐中爨黶瑞烟霏恬熙御爐中爨

黶瑞烟霏一解鸞聲嘒嘒來雲際九奏韶鈞沸觀光

仰赤球扈從盈朱芾奉

皇歡晝三接

天顏喜奉

皇歡晝三接

天顏喜

中天盛世第六

中天盛世邕安一解瑞麥嘉禾表歲成騶虞日象出

郊垌共祝吾

皇聖嵩岳欣傳萬歲聲葱龍佳氣滿都城萬里黃圖肇

帝京衣冠文物際時亨海隅寧謐無邊警巷舞衢

歌樂太平喜今日金甌一統萬年清徧閭閻搯縵

歌風絃誦與更郊原野蠶成繭柘陰輕一解時和歲

稔調金鼎鳳屐花相映青疇麥兩岐黃龍未同類
屬車臨喜萬歲聲遙應屬車臨喜萬歲聲遙應
奉宸歡第七

奉

宸歡天單厚風光輦路浮遐阡邇陌都是黃雲覆羽蓋
春旗煊燁似繡正田家作苦勸耕時休馳驟金鐙
鞭敲豹尾懸車後藏富於民於民藏富

晴開五雲第八

晴開五雲移翠輦臣庶咸歡忭載見兮載見懷遠

復懷遠

聖人朝纓雲歌復旦

一解際中天一氣鴻鈞轉習習和風

扇龍津燕影低柳陌鶯聲轉望龍旌迢遞過晴巘

望龍旌迢遞過晴巘

瑞雲籠第九

彩仗瑞雲籠度晴巒幾重金爐高擁香煙浮動杳

靄大夫松和鸞到處和鸞到處百靈從玉檢金泥

編珠毓貺不數漢家封

駕六龍第十

駕六龍御翠華

帝德光天下薄海內總一家四徼外正朔加這聲靈赫

濯被四表暨荒遐

扈翠華第十一

扈翠華兮載馳御帝車兮載脂命風伯兮叱雲師

灑道兮如絲清飈兮應時

四時念第十二

仲春時司馬教振旅喜韶和綠萋芳草滋平楚執

鏡執鐸兼賁鼓盤旋處如組還如舞

念春日萬

彙初榮膺況田家負耒牽牛方作苦解置去絡仍

弛咎天心祐應節彌甘露

仲夏時司馬教菱舍

暢恢台銛蘆茂草披平野名州名邑驅征馬行圍

罷落日征袍卸

念夏日赤輪炎似炙況我民體

足霑塗泥沒踝櫛風沐雨無晨夜休嚴駕冲默居

臺榭

仲秋時司馬教治兵喜颯爽金風初勁角

弓鳴載旂載旒子旌旌戢軍營萬寶正秋成

念

秋日氣爽又風清況郊原農事方終稼已成用遵

周禮詰戎兵望龍旌壺漿父老迎

仲冬時司馬

教大閱正平郊獸肥草淺寒威列建旗樹表疏行
列多歡悅誰道裘如鐵解念冬日一陽初動肌况

南郊陶匏明水將誠潔草甲方萌芽未茁屈金闕

萬國來朝謁八解

壯軍容第十三

壯軍容威四方礪戈矛森甲仗剖文犀七屬爛如

銀帶鮫函璀璨難名狀這的是金城保障一解有純

鉤巨闕和盤郢魚腸更有湛盧紫電承影含光又

豪曹似水素質如霜賽莫邪二解官箚最精良

象弭魚服竹箭弧柔更紅翎白鏃飲羽危梁控弦

徹扎有猿臂軍中飛將三解潤鈇鋒鸛鵠初瑩鎔董

錫龍雀成雙文似靈龜象侔白虎是靈寶亦曰含

章比昆吾切玉百練純綱四解垂氏弦木壓弧斯創

冬幹春膠烏號繁弱明月當朔朗九合既成一二弓

交鞞五解振金鏡鳴金鐻畫角悠揚明月時風靜夜

清吹還三唱踴躍軍心壯似鳳鳴又如鶴唳更籌

響刁斗傳千帳六解表和門旂旆揚象七星建九旂

置九章錯翡翠鸞鳳煒煌曳招搖韜素錦黃龍大

轟在中央

七解

鏤衢鞍翠羽蹙金梁珊瑚鞭瑪瑙勒

靡麗非常啟華鬯盛朝不尚但推轂求良將雲行

雷動正正堂堂

八解

日初昇第十四

日初昇雲光曉旂旗暖龍鱗耀望雲山紫翠千重

度耕隴桑麻隱約黎民歡樂道餘糧棲畝又長嘉

苗

一解

不讀書知忠孝作與息耕和鑿玉泉流膏雨

千勝晴雲歛炊煙萬竈黎民歡樂道餘糧棲畝又

長嘉苗

二解

景融怡風料峭太和會豐年兆喰其饒

士女媚依鏞斯趙曾孫迎勞黎民歡樂道餘糧棲

畝又長嘉苗

三解

君恩深難報願

聖壽如山岳稼既同跂脚高眠戶不閉官清訟少黎民

歡樂道餘糧棲畝又長嘉苗

四解

翠華臨霓旌導導

平陸登仙嶠但只見部屋衡茅一個個體温腹飽

不知不識日上眠方覺惟祝吾

君真有道厘痾瘵薄賦輕徭敷教澤愛親敬老黎民歡

樂道餘糧棲畝又長嘉苗

五解

嘉祥曲第十五

溯嘉祥華平朱草毓中唐龍圖授龜書昇擾澤馬

駕騰黃延喜玉從天貺屈軼草塔前長一解睹榮光

白麀赤雁與芝房游河渚赤文綠字舒蘭葉五色

成章仙萸葉葉滋春圃瑞羽鏘鏘鳴女床亦有祥

麟一角和鳳鳴在高岡二解日重光戴冠抱珥出扶

桑月重輝星重潤玉繩轉南極熒煌竹葦露甘如

釀蒲蕙風如秋爽三解舞鸞凰非烟樓閣繡衣裳寶

鼎現騶虞出浮沆漭泛天漿稽往牒探珊網陳瑞

物難名狀四解惟我

皇不矜異物與殊祥闢四門明四目求俊乂顯賢良愛

稼穡垂旒纘措吾民春臺上五解

練吉日第十六

練吉日兮撰佳辰百僚具兮輿衛陳屏醫弭節兮

玉宇無塵煌煌兮帝車奕奕兮天輪一解命太常兮

奉牲用昭告兮百神潔粢盛兮肅明禋將展輪兮

効駕行下觀兮勤民二解甸師清畿兮縛草如茵野

廬掃路兮香霧承輪封人設榘兮左城右平掌舍

具儀兮爰象太宸玉輦兮鏘鏘屬車兮隱鱗解二扇

微颺兮清臆扈細靄兮朱輪備天官兮周衛盛輿

服兮時巡虎賁兮肅肅徒旅兮駉駉解四前驅兮按

部後隊兮如鱗徵萬玉兮警途詔弭策兮八神解五

軼浮景兮騰青霄駟蒼螭兮駘絕塵凌高衍兮崕

嶠陟解六輶阜兮輪困解六仰皇輿兮肅震岳獻圖兮川

貢珍若湛露之晞朝陽兮儼列宿之拱北辰解七陰

華蓋兮翊勾陳綃紉綵繅兮旗旒逡巡配帝居之

元圃兮象太乙之威神解八旖旎兮霓旌八方兮列

陳表朱兮離位植皂兮元冥飛縞兮象兌峙青兮

直震解九流星旄電燭兮盼塊北以無垠九旂紛而

揚旂兮五輅委蛇以接軫盛天下之壯觀兮將豐

鎬之是遵頌高山之荒作兮仰

一人之饗

親十
解

謁珠丘第十七

謁

珠丘杳靄松楸展几筵敬仰

允猷國家積累惟忠厚篤公劉一解緬音容霜露春秋設綴

衣大貝天球悚聞憐見如親觀溯前麻二解奉儀尊

旨酒思柔覲美墻蘋藻初羞萬方玉食尊親久無

須效漢代衣冠月出游三解

寢園展祀尊堂構

文謨

武烈光前後慈龍佳氣浮縹緲祥雲繡億萬載升恒景福

從天祐四解高山天作扶輿秀遠海環其右鍾祥瑞

氣燔羽運靈光茂萬斯年永奠定天同壽萬斯年

永奠定天同壽

御黼座第十八

御黼座肅朝儀沛公法駕陳元會雲深處天門詆蕩太

極崔巍一解九賓設彤闈啟扶桑初擁曠曠日傳臚

句羣僚濟濟百辟師師盡呼嵩冠帶委蛇二解獻琛

球圖王會呼韓稽顙瞻雲日無中外雕題鑿齒烏

弋黃支慶躬逢盛世威儀三解中天華闕浮佳氣締

造經營萬載基世德念幽岐天澤陳冠履看到處

祥颺旒藹羽蓋葳蕤看到處祥颺旒藹羽蓋葳蕤

長白山第十九

長白山遠峙開原冠高峯峻極於天巉巖兮插漢

千里兮巘岈解一考山經曾傳不咸稽地志亦號商

堅唐名兮太白有潭兮在巔解二闢門潭萬頃迴湍

鼓天風激灑文瀾源深兮流廣三江兮出焉解三鴨

綠江流自山南混同江北海之源愛渟兮東注萬

折兮千盤解四盤無間縹緲雲端桃花洞下有飛泉

嚴冬兮不冰常煥兮無寒解五木葉山石磴盤桓華

表山鶴影蹁躑乳峰兮懸溜并列兮寒泉解六石門

谿屹立巖前儼雙扉雲壑連綿迴合兮諸峰窈窕

八吹兮羣巒解七松花江波影澄鮮北流兮竝海西旋混

同兮合流自古兮長川解八遼河兮汗湃汪瀾遼澤

兮泥淖蹒跚布土兮為橋既成兮孔安解九飛瀑巖

瀑布常懸翠雲屏雲影連蜷聖水兮傾盆萬松兮

晝寒解十平壤城箕子名藩太寧城漢日新安演範

兮陳疇帶礪兮河山解十一鍾扶輿虎踞龍蟠植靈

基天作高山拱衛兮陪京永奠兮萬年解十二

布爾湖第二十

布爾湖明如鏡庫里山秀列雲屏風來千頃碧雨

過數峯青萃扶輿淑氣是天地鍾靈一解有天女兮

降生池畔吞朱果兮玉質晶瑩珍符昭合爰生

聖二解神靈始生即能言睿知聰明不待學徇齊敦敏至德

莫能名三解日角珠庭稽古帝握袞履已更龍顏戴

千荷勝岐嶷總天生四解當是時厥有三姓角雌雄

亂靡有定蠻觸互相爭五解汲清泉言至河濱見

真人如日如雲稽首共來迎六解觀堯眉衆姓咸驚是非常

天不虛生葵藿早輸誠七解念吾曹原非好爭今有

主得荷生成從此戢戎兵八解定三姓尊為貝勒似

岐州虞芮質成荒度始經營九解溯從來誕聖厥多

瑞徵華胥履跡青雲繞身樞星照野虹流太清瑤

光貫月元鳥承罍載稽典籍辭難罄肆

皇清

至人首出乾坤篤生自義昊軒農瑞錄祥經莫與京十解

建遼陽第二十一

建遼陽爰築崇墉蓋金城兮萬雉控列辟兮朝宗

遠邇兮歸懷庶邦兮是同一解懾

天威爭執鞭弭歌孔邇願受併蒙興朝正朔咸尊奉遂荒

大東二有哈達首鼠兩端數渝盟自外陶鎔天兵

一舉咸驚悚似草從風三有輝發反覆不常外生

成夜郎自雄六師迅發如雷動棄甲投弓四有烏

喇包藏禍心逞螳臂欲試車衝戈鋌一指雕弧控

似掃虬螿五有葉赫雋陵負隅似游鱗翔洋釜中

狡焉潛結朝鮮衆朝夕羽書通六有朝鮮僻處海

濱與葉赫狼狽交通蛩蛩甘草相承奉結壘似屯

蜂七閔明季陽九方丁如懸磬杼軸其空朝鮮葉

赫相愚弄勢蹙不知窮八四路兵犄角來侵無紀

律誰識為雄一時烏合無拳勇號令馬牛風九五

十萬封豕長蛇肆貪狼非不恟恟只緣逐利非心

奉臨事各西東十恣侵陵師出無名我天朝用詰

兵戎堂堂八陣

天威聳落葉掃秋風十一一戎衣為救黎元曾不費蒿矢

桃弓遼陽建後金湯鞏王業首岐豐十二

瀋陽城第二十二

瀋陽城王氣所鍾氤氳五采縹緲如龍信佳哉鬱

鬱葱葱一解析木津箕尾之東上連天弁右抱神宮

濟津梁香漢垂虹二近北極象逼穹窿元菟置郡

都護安東越金元頻建畿封三我

皇朝氣運方隆此惟與宅用恢厥功相陰陽宅土之中

四惟廣寧屹屹崇墉石梯連磴香水春溶十八盤

萬樹青松五若旅順臨海居衝番彝鷹集估舶雲

從轉南漕天庾斯充六取廣寧唇齒圻封維茲旅

順亦是率從啟鴻圖駿烈豐功七左朝鮮右際雲

中卜惟洛食龜筮斯從叶天人是為大同八帶渾

河滄海朝宗白山控峙石柱雲封是神臯俗厚民

豐九遶西南遼水滌滌襟環東北黑水混同壯聲

靈鎬京辟雍十擴輿圖北暨烏龍牧羝舊部使犬

遺戎震

天威罔不祇恭十一念中原民力困窮殫輸將比屋皆空

干戈充斥民無控拯其塗炭出水火中會清明四

海來同十二

鐵嶺山第二十三

鐵嶺山峯如削燔白石不消鑠遼陽之東鼓橐籥

解一繡嶺山萬花谷間松塢連雲壑海城之南氣磅

礴上有三泉甘可酌解二平頂山雲漠漠車曾駐盆

可浴上有積水冬不涸解三木查嶺如劍鏑峻而坦

寬以博查水發源巖際落解四降龍山神所託勢蜿

蜒如拏攫風雨欲來光景爍解五水泉山滋乳酪清

且美用烹淪萬斛珍珠瀉簾箔解六南雙山巨靈拓

左陽峯右陰壑青天秀削芙蓉萼解七是諸山互聯

絡忽低昂而窄萼羊腸宛轉緣蜂閣鳥道窮兮構

畧解八聚葱巖儼巖齶嵌噴峒巖寥廓蔽虧日月

愁猱獲可喜可驚兼可愕解九地呈符天開鑰孕靈

秀阜飛攫巨木如林纖草弱茂對乘時萬物育茂

對乘時萬物育解十

孕嘉產第二十四

孕嘉產厥族滋蕃悉數之更僕為煩山經爾雅空

排纂畧疏梗概用告司原解一有於菟蒼質元斑吼

腥風林葉摧殘霧中元豹尤虓悍異名同族艾葉

金錢解二熊似豕穴處空山善搏人春出冬蟠羆文

黃白仍修幹力能拔木不畏戈鋌解三有野馬形質

輕獯走深山不服鞍韉日行五百如奔電野驟似

馬亦產遐邊四解扶輿鹿性喜林泉獐無胆力心常

戰惟麇惟麇類族殷繁五解狼白頰前高後寬或蒼

或黑皆膘健豺尤猛厲祭獸秋原六解一封駢肉自

為鞍頸修蹄曲耽芻豢力能任重用濟軍饋七解孤

性疑狸愛安眠毛深温厚為裘煖貉能求食富則

資獲八解兎婆娑亦稱比肩鬣鬣五技徒蒙訕鼠名

艾虎亦屬彘彘九解貂似鼠其質靡然食松苗以栗

為饋紫毫豐毳服之孔安十解馬牛羊間巷喧闐白

頭豕用給盤餐居民比屋充常膳不須臚列以免

詞煩十一解是熙朝茂育功宣致物產滋盛春田四

靈為畜麟遊甸殊詳上瑞多載青編十二解中夜音

毓靈禽第二十五

毓靈禽五色名翬虞人歲捕供時祀沙鷄無趾出

青林亦貢丹墀一解有舒鳧洵腴且肥家鷺舒雁仍

甘美青鷁次之信天緣鷁鷁之類二解鳴九臯元裳

羽衣鸛鳴於埳丹其喙禿鷺長頸在水之湄剪霜

翎用飾忘歸三解鵝在梁載咏風詩洵河吸盡蹄澤

水斑鳩性拙縮脖高飛並翺翔適性忘機四燕子

飛下上差池善營巢秋去春歸曙色纔分最好是

數聲乾鵲簷頭報喜五啄木兒利口如錐蠹蟲穴

樹藏身固緣木而求必得之在衆禽中號為多智

六黑龍江爰有深池雁來初湛淡羽儀鷓鴣麋鴉

羣游戲汎清波卯息繁孳七到春來田鼠為駕考

之爾雅黃鸝是倉庚鳴矣夏日遲遲柳陰中好音

流利八遼河鷹松兒朶兒海東青性尤猛鷲天鷲

視魄狡兔何施虎斑鵬差可肩隨九萃羽族深林

茂枝飲與啄惟性所宜太和洋溢民物恬熙奏節

磬鸞鳳來儀十

蕃珍樹第二十六

便蕃珍樹籠谿覆隴爰有蕭艾香蒲春雨後叢生

幽渚紅杏緋桃紅杏緋桃兔絲葶蘆連岡被楚藥

籠儲馬蘭知時節紅藍茜不如一松釵雙股是雨

雅篇中所著惟有神京秀鍾扶輿歲寒姿其針獨

五八千歲為春八千歲為秋大椿齡綿綿萬古被

元華含雲隱霧瑤光降斗樞三極五葉滋靈草地

皇朝文獻通考 卷二百一十一
產奇珍洩秘符地產奇珍洩秘符

二解

建皇極第二十七

建皇極司徒度廣輪壯皇居太史陳圭臬端徑遂

三塗達九達相陰陽百堵依繩尺

一解

南德盛當陽

離向明東撫近出震青陽闕西懷遠金行靖甲兵

北福盛象緯通天闕

二解

前天佑高明法健行後地

載博厚符坤德左內治訃謨綏廟廷右外攘聲教

敷重譯

三解

表雙闕艱難念武功致太平垂拱思文

德崇政殿穹窿憲紫垣鳳凰樓樸素無雕飾

四解

蕩蕩天門闢九重扇巍巍雲際開金闕盛輿服衣

冠拜冕旒肅威儀羽衛陳刀戟

五解

夜漏盡猶傳衛

士殮曉鐘鳴遽進雞人憤規久大朝廷多直言謀

萬全殿陛無遺策

六解

援禮經郊壇建國南考彝章

展敬陳蒼壁禋闕宮春秋厘孝思童宗盟宗正司

宗祏

七解

得天心謳歌獄訟歸孚人意鎬洛聲靈赫

定中原鴻圖萬載基作陪京巡幸朝羣辟

八解

鑠皇清第二十八

鑠

皇朝文獻通考 卷二百一十一
皇清景命隆成天平地永宅中

聖繼

聖繼豐功制作定世符御天乘六龍一解樂昭德禮備容置

敷文教八方通道德一風俗同

皇威馳海徼仙仗過崆峒

二解詠芹藻歌辟靡崇德黜惡

發羣矇蛾有術瞽有宗壽考而作人棧樸其芘芘

三解嗟保介咨臣工犁雲耕雨勞厥功繪無逸圖幽

風率育配彼天倉籍裕我農

四解種浴川桑戾風禕

衣東向明婦功肅壇壝比先農父老歡德化耕桑

帝所崇

五解整屏翰屹金墉得人則治簡

帝衷甘棠芾黍苗芄廢墜罔不修萬里咸提封

六解闢三

宅達四聰旁招俊乂秉至公霧豹蔚雲龍從日舉

爾所知名字書屏風

七解省耕歛寬租庸神倉百萬

備荒凶胥保惠振貧窮暑雨與祁寒咸化為春風

八解畎澮濬軌涂通誕疏地脉淀與澍水攸利年自

逢浩浩乎恩波匪今頌屢豐

九解什一稅惟正供求

民之莫飭司農免溝壑樂殮養損上以益下

皇王儉德共

十解海蕩蕩水朝宗日東月西出其中且復

且無終窮涵乾而納坤何所不包容十一解 斡璇璣

走靈露嘉生繁植蕭艾空沛然雨薰兮風至誠契

天心無為而允恭十二解 稽典禮命秩宗釋回增美

惇且庸筠其竹心其松本天以殺地夙夜襄夔龍

十三解 由心生與政通作樂崇德應八風舞蹲蹲鼓

逢逢勸之以九歌還相為其官十四解 節出律萃除

戎包戈衅甲百年中戒不虞慎厥終有嚴講武事

大闕張軍容十五解 鴉食葑泮林中小人革面順以從

嘉肺閉囹圄空訟庭有青草獄吏服儒風十六解 蘭

祖武紹

有秀桂有叢白駒空谷豈時雍無遺賢胥在公天

工人其代六合臻十七解 屏藩寄盤石宗本支百世

五等崇式分玉匪剪桐天潢流且長詎曰陝西東十八解 繩

宗功於

皇繼序克履中震主器乾飛龍

聖

聖直相承凝旒仰篤恭十九解 祥繞電瑞流虹於萬斯年

聖緒洪麟振妣乙造娥文子復文孫千億紀無窮二十解

休滋至昭有融樂胥受祐龐且鴻醴泉溢膏露濃

升階協貞吉萬物泰而通二十時巡狩朝會同淑

旂綏章儻革冲珪贄集鞮譯從聲靈震夷夏四海

仰

皇躬二十二解 凜帝謂敷帝衷萬年遐福聿來同周隨嶽漢

呼嵩籙圖天不老治化日方中二十樂九成歌三

終一游一豫盛德同臣矢音聵奏公時邁夏箭磬

金石間笙鏞二十四解

行幸饒歌清樂章

九龍旃第一

九龍旃旌旗列宿懸龍角天田見箕翼常舒展龍

尾更連蜺牽牛近帶房心建東壁耀星躔一婉變

奎文麗日天堦現參旗曳九旒玉井珠駢柳七星

曲曲如鈎卷和門啟萬幕褰二解

皇威第一

皇

皇威好山如障翠屏圍凝樹色烟成縷鎖嵐光雲漸低

回峻嶺絲韁徐按度崇岡玉勒輕提龜背鎧滲金

盛月明風曳素綃旗一解靖邊陲為思將帥鼓征鼙

嫻八陣齊九伐用三驅式九圍撼山岳風雲動色

固封疆鶴鶴爭奇驅騾裏跨織離日輪高擁杏黃

旗二解奠鴻基百年不用是王師在圍圍麟和鳳貢

琛球航與梯因農隙講求獮狩際時和訓練熊罷

獅蠻帶錦欄圍晴雲不動絳紅旗三解太平時狼烟

不設羽書稀四郊外無烽壘四民中多壽耆枌榆

社我田我稼羽林郎如虎如貔短後服曼胡垂遠

山一抹蔚藍旗四解綠陰中凱奏歌聲美蘆管清笳

沸四海樂昌期 禹國圖王會馬如龍迤邐車如水

馬如龍迤邐車如水

整貔貅第三

整貔貅順天因地依山建壘制勝爭奇鄭鷲越雁

鸛鶴兼魚麗箕翼張舒常山形勢用神機太乙陰

符秘先天遁甲奇牝壯方圓縱橫斜銳變化從心

起左鈇戈右雄戟朱繪丹羽去忘歸朝陽舒畫旗

柳葉貼青驪車書萬里同文軌

河清海晏第四

河清海宴花村犬不喧講武訓戎旂幕府多雄健
鞘鈴有秘傳虎旅列戈鋌邨炊霽暮煙鉦鼓競喧
闐郊原自宴然轟雷掣電端的是有征無戰有征
無戰

輦路平第五

輦路平錦隊開寶燾懸日麗風和瑞氣鮮前旌載
鳴鳶春旗曳柳煙遙聽處喚晴鳩啼杜鵑寶劍雕
弓續紛在後先氣雄邊花飄柳葉鞦韆敲錦連錢
鉦鼓聲隊隊悠揚出遠天農夫自力田村童自笑

喧望前驅早度夕陽川望前驅早度夕陽川

景清明第六

景清明萬彙蘇雲物煥皇圖集禎符羽儀絡繹在
春田駐羽儀絡繹在春田駐

聖武光昭第七

聖武兮光昭玉燭兮調秋獮冬狩建旌旄曳紅旂四方
永定樂清朝瑀弧久已棄龍泉久已鞘勾陳翊衛
天樞耀兩階干羽格有苗掃盡樓槍舞舜韶中天
泰交文教敷敷文教

皇朝文獻通考 卷二百七十一
皇風泰第八

皇風泰景物妍元虬奕奕辰旒建靡畫旃行爐霽
細煙落花香印馬蹄圓落花香印馬蹄圓

慶雲呈第九

慶雲呈霞光絢晴鳥啼芳甸柳芊綿風來絮顛柔
絲脊盛世多清晏頌堯年祝堯年

象天行第十

象天行玉輦金根扈宸遊萬騎雲屯角弓笳鼓聲
相競美車攻之子於征簡車徒有聞無聲解際昇

平清叨芳騰慶三農百室盈寧羽旗芝之蓋參差映

念民依還厘

皇情樂清時盡載

皇仁二解

虹流華渚第十一

虹流華渚星耀電繞樞慶長庚燦爛祥光祀瀆登

皇圖永固非煙非霧非煙非霧東海扶桑日裏金烏蕭

索輪困樓臺殿宇天酒凝甘露煙雲杳靄中廣樂

鈞天盡向風前度時清每賜醑時清每賜醑民樂

還獨賦喜隨天仗踰踰濟濟幾多鸚鵡

皇都無外第十二

皇都無外更日月光輝一統車書祥麟在敷鳳來儀貢

筐篚玳瑁文犀聞說青雲千呂島嶼平夷是中土

聖主當陽喜輦下還將八景題一蘆溝月曉更西山雪

霽瑞色熹微金臺夕照曳斜暉太液池萬頃玻璃

還有居庸疊翠峻嶺崔巍崔巍玉泉虹瓊島春雲

薊門外空濛煙雨飛二

夏諺歌第十三

夏諺歌聲徧九垓又見山重複水滌迴相風高指

靜塵埃這的事萬國春臺歌元首明哉歌股肱巨

哉懋哉庶事康哉喜鑿輿到來喜鑿輿到來靡魚

須桑麻罨靄度高原龍旗沛沛

宸襟周覽徘徊

宸襟周覽徘徊識民心愛戴民俗和諧華封人祝三多

紅日近堯階從今後祝

皇圖千秋萬載

芳騰曲第十四

看取芳騰錦甸長
 柳古道細柳清泉風來霹靂拓
 弓茲日華組甲飛晴練吟猿落雁垂楊已穿紅陽
 紫燕蟻封又旋軍容煜燿如雷電一 畋獵無非習
 戰車攻四牡王制三田五豨曾詠召南篇七駒用
 戒司徒演獸肥草淺龍旗有虔批頤扼頰虎賁載
 旋駕言行狩遵先典二

渥洼曲第十五

渥洼中珠霧氤氳天產龍媒苑蓄祥麟命臧圉辨
 其物色時其芻秣萬騎駘駘夾鏡竹批耳峻權

協月風入蹄輕綠虵衛轂紫燕駢衡騁長途人馬
 相得如聖主之得賢臣

美留都第十六

美留都崇儉法陶唐大政當陽十署雁分行詒諷
 政事肅官常飾機檻無煩刻鏤列琴櫟無取焜煌
 珊瑚琳碧何似茅茨土墻符帝車太乙運中央紀
 元建號承天貺啟

皇圖居尊馭極從民望靈臺雲物紀嘉祥五緯麗文昌
 覃四國迄八荒瞻雲就日咸歸向詠德歌風壽且

康一解金墉屹立平原曠佳氣

皇居壯天文屬尾箕地脉開蓬閩鬱葱葱與柱軸同輪

廣鬱葱葱與柱軸同輪廣

湖興京第十七

湖興京實

帝瀛艱難開剏奠中原覆萬方太平休養水源木本繼

序不忘我受命溥將率由舊章勤祀典不愆不忘

無怠無荒維新舊邦鞫瑞玉載弁奉璋來享來王

一輪紅日擁扶桑廣樂記鏗鏘歌燕鎬蒞明堂雲

移北斗成天象酒近南山作壽觴覃四國迄八荒

瞻雲就日咸歸向詠德歌風壽且康一解周岐漢沛

寧相讓綠水環青障龍興氣蜿蜒牛渡波滌滌觀

天顏和日霽胥瞻仰觀

天顏和日霽胥瞻仰

格皇天第十八

格

皇天順民心聲靈赫濯雲霓望明丁百六餘分閏位穢濁

天常肅

威一掃檣槍定兩翼列旌旗分八行黃白紅藍如砌錦
東西相次自北而南如山獄各爲一行握奇經天
元地黃四奇四正包羅造化洞陰陽風雲離合無
恒象縱橫八卦變化無方握神機位在中央法河
鼓先登上將左九星如珠斯貫右九星屈曲如匡
中權玉斗安牙帳礪戈矛器甲精良勲臣功績在
旗常燮伐藉鷹揚廟算長軍容壯指揮大定牛辭
阜棧歸桃野馬脫金羈臥華陽一解師貞協吉天成
象

聖武兵須講威加四海清恩逮千夫長看中林冑肅肅
干城將看中林冑肅肅干城將

大凌河第十九

大凌河爽塏高明被春臯細草敷榮擢纖柯苜蓿

秋來盛一解溜春泉淙淙玉聲匯廣澤水淨沙明注

遼河一派澄如鏡二解曠平夷颯爽風清際朱明暑

退涼生謝炎囂飛蚊知避境三解宜畜牧牡馬在坳

甘水草虻蚋不驚歲蕃孳芻秣無違性四解選龍媒

曜采何精翻紫燕聳鬣長鳴或乘流沂淺過沙汀

五 志傲儻產自幽并控奚官首絡黃金或輕猿萬

解 里志長征六或蹄齧憑驕怒生或偃臥豐草長林

或就浴漱灑玻璃淨七或繫樹身間體輕或俯斲

沙肥草馨或驚馳似畏珊鞭影八或舉足遲回未

行或競步浮雲共征或駮驪躑躅青莎徑九或權

奇高穎露晴或深穩步遠視明或攜駒汗血天池

孕十喜昌時澤馬效靈十二閑並毓房精駕鼓車

遠方還納畫十一萬年基海宇清寧卓飛黃鸞輅

和鳴簡巡遊不貴駒餘駿十二

狩于原第二

狩于原素節商秋日華宣月金波山川如繡曳明

月靡魚須用三驅載馳載驟一驟裏駘如舞逵衢

去若流亭童羽葆遵靈囿月滿烏號勁沙融露草

柔二師執提工執鼓夏苗迄春蒐穀麇積贗猛愁

太白其左天狼右夙駕于原殲禽殪獸三言觀其

旗參偃風旂言觀其馬乘翳玉蚪縱戟子希繼鞞

獸驚人怒聲啾啾獵圍日落風悠悠四雨獸風禽

貫脇揜喉目電閃腥雲浮濡縵一吹吹劍首序屬

三秋嚴凝氣擎木葉山寒翠幄稠五解孰矢箠之於

維繁弱弓孰麋噉之於維屈盧矛以作六師繁豈

從禽謀直帝德煥神猷泰階奕奕綜乾紐六解紅雲

隨過輦紫氣傍行輶山似無水如油清切鳴笳馬

上謳伊州涼州華鯨撞處靈夔吼七解習五戎命七

騶司徒摺扑施車寧揚清鞞著岑牟獸臣拜賀同

于狩一歲三田昭典禮幽歌狐貉為公喪八解雲峯

繞宸幄稠壹發五犯奉時辰牡儻儻俟俟如山阜

面傷禽不獻蹄掩跡斯求貴仁賤勇垂王猷九解馳

深鼓利楸趨險鷲飛輶塞嶼嶠城筮篥既長既溥

肇公劉震赫萬國鞏千秋十解苞枿兌矣析木之陬

於穆

原廟皇矣

珠丘時祭涓孝饗對揚錫宏休薦芳還講武玉輦統龜貅

十一解鴨綠之江綠波流長白之山白雲浮于京斯

宅東序陳天球法駕蒞陪都蠡齋颺道游湯網開

三面騶虞化可侔十二解九九百尺松鬱鬱千章楸

蛟龍奚遁藏豺兕供羶膻天閉上駟來庭廡來庭

廐造父執靶王良挾軻睥睨周朝八駿遊十三温解

都魯憤溝婁量衡王度式膏澤帝功流永千禩光

六幽星分箕尾揭重尤靈威震登兔且肅肅皆公

侯十四午酉吉日諏金德常剛大火流王之土盡

好仇王之佐升大猷鳳儀廷兮麟在藪獻之

天子萬邦其採十五

日上扶桑第二十一

日上扶桑

皇風鬯日上扶桑

皇風鬯湛露滅金莖仙掌

聖天子正當陽丕顯丕承六合中恩膏廣舟車至盡來

王舟車至盡來王觀一統太平真有象一叶車攻解

詠時昌一朶紅雲六龍降簇千官鷺序萬隊鶴行

爭戛擊鉦鐺丁東紛蠶禱旌旗搖漾鴻龐兆姓

天顏仰齊道是春臺上齊道是春臺上二翳華芝排仙解

帝駕仗擁貔貅萬騎騰驤輝煌從龍應列象紛纂歷環

衛鈎陳隔御光紛纂歷環衛鈎陳隔御光

皇威朗夏諺祝吾王遊豫周官紀天子巡方三王路砥解

皇風驟康莊除道清塵坦而蕩似觀河刻王北蹤陶唐
敷教化

帝德郵傳奉琛贄臣心葵向鴻龐兆姓

夫顏仰齊道是春臺上齊道是春臺上

四解調玉燭乾坤

清明幸遭逢時巡狩恩施浩蕩波翻翠瀨灑銀

塘歷黃雲葦蕤搖繡壤同歡慶豐年綏萬邦

五解屬

車相望屬車相望選勝徜徉靈風薦爽引鸞旗引

鸞旗轉龍旂飄揚擁耆民歡心合掌天庥和暢稽

皇風首頌九如章鞠躋音萬年鶉

六解乍洽

宸襟延

睿賞喜遙臨玉輅翠幌喜遙臨于輅翠幌康衢昨擊壤

交賡唱

聖壽無疆億舜日矢棗弓韞萬堯年鳳舞麟翔道敷天

道哀時令典煌煌風行地筮省方永懷柔時邁其

邦省耕歛萬井蒙休養省耕歛萬井蒙休養猗歟

慶熙朝奉

聖皇

七解

表裏山河鴻圖廣洵莫敢不來享儻革和鸞旌

施央央化日高懸正舒長天可參地可兩天可參

地可兩入合相輕漢武橫汾上示從禽惡舍往旃

以為轅蘭以為防飭司徒厲節軍容壯不以火田

不獻面傷駕龍文騰空曠九列斯青廬還開玉帳

皇歡休徵叠叶音奉

皇歡休徵叠叶音奉解紫瑞氣天和釀到處是上林春滿望

花傍輦若含叶音頤傾珠囊洗塵軟奏韶韻典太

常霏霧雨叶音霏霽爐香真遍世界恩流德洋看雕題

漆齒咸稽顙懸知叶音紹

聖緒邁前王叶音昇平宇宙年豐穰勤補助天工人亮叶音將

聽嵩呼萬歲長

九五飛龍第二十二

九五飛龍慶時乘九五飛龍久萬里錦江山歸大

一統今

皇紹

聖緒克纘豐功望如雲望如雲就是日垂寰端拱寅亮天

工寅亮天工盡梯航咸來朝貢一萬象闡鴻濛超

軼姬風殷頌修文偃武履

帝位明目達聰卑唐跨宋億萬年大寶金甌鞏紉纒纒
沈瀼霏微艷晶晶旭日昭融二閱五載禮成巡狩
叶車攻閱五載禮成巡狩叶車攻練時日鹵簿盛
威儀盛威儀未央月曉度疎鐘徐張雉扇漫啟銅
龍紛雜沓于官前導鸞旗聳師師濟濟萬靈呼擁
奉

皇歡五色雲車動從于邁恩澤紀龐鴻終于邁恩澤紀

龐鴻三時雍萬福聿來同待臣弭筆從容勻勻禹

甸幾多甘雨和風

天顏有喜煥

宸章揮灑騰麟鳳若雲漢倬彼昭回墨寶千秋珍重

四解

或有時甘露珠垂或有時甘露珠垂或有時醴泉

玉湧或有時澤出金車或有時山開山開得這銀

甕惟

至聖足有臨兮足有容誠不顯而篤恭上雲峯鸞輅輕

移上雲峯鸞輅輕移凌日觀倬鶴載咏

五解香爐傍

日溫屬車瑞雲湧看野陌黍禾如梁積祝無疆躋

堂幽人頌敷德化民風沕穆喜到處時和也更年

豐編氓遍沾膏雨聽歡呼自南自北自西東六解規

制度衡量同式震疊琛球貢率遐邇北暨恒山率

遐邇北暨恒山西至流沙南被交邕典禮咸修棠

至聖華胥叶聲靈神悚信長此獻嘉符振麟儀鳳七解百

職猗歟式序百祿直其式總於繹哉永綏民於皇

哉允執中時巡幸虎賁扈從從律奏聲諧八風從

不冒率彼提封編氓遍沾膏雨樂饗殮自春自夏

景章自秋冬八解重熙累洽如天永蕩蕩巍巍臻邛隆翠

天贖輦行來紫氣擁

聖德巍巍第二十三

聖德巍巍洽九天大啟文明會景福綿熙和民物更鮮

妍麗紫垣策星夜動鸞旆發郊原一解河清海晏王

道正平平思

文謨

武烈丕承丕顯締造巍然監於成憲其永無愆二解萬方賓

服仁風扇義問昭宣雕題鑿齒重譯來朝獻東風

便黃支烏弋識時先更白狼元菟金馬朱鳶盡入

版輿遠三解聲教無邊巨九垓控八埏陟堯封過禹

甸撫殷土歷周原漸被暨訖仰清光北斗高懸四解

崆峒山色翠如烟訪道人非遠姑射有神仙飲風

吸露綽約嬋娟乘雲氣御青天有虞氏親巡徧五解

薰風拂五粒養恬樂利到處桑麻鷄犬含哺鼓腹

風光堪羨吉蠲採風問俗排法駕清蹕稅桑田六解

遊河五老踰躔紫極光連袖裏圖書一卷齊向丹

陵獻八駿踏雲烟飛雷掣電黃竹詩篇瑤池清晏

露天霓旌卷蘭生殿佳氣滿平川八解岱嶽齊天七

聖訓七

十二君曾駐輦泰山梁父云亭肅然崇封禪金泥

印綠文玉檢留丹篆九解羽林周衛錦袍鮮萬騎驂

驪隱見黃雲馬足白日松顛葱蒨貝葉三花石芝

五色搖漾拂寒烟十解虹旃彩仗五雲邊柳映旌門

在鎬承周晏鳴鸞幸代旌蓋橫汾中流簫鼓振樓

船十一解乘乾位在德之元八卦陳九疇衍皇極居

中建聖帝明王一遊一豫芳躅古今傳十二解昇平

無事歲三田臨之王制考之風雅冬狩秋獮先期

戒事虞人掌焉後道游前皮軒璧貫珠聯十三解訓

典昭然時巡是五年雲沙輦路草芊芊德音騰赤
縣驪龍作馬日月為旗霜原玉作田盤營風軟饒

歌一闕霓舞大羅仙十四解

蹀躞游龍第二十四

蹀躞游龍亭童羽葆莅止青野翠郊看蕩漾朱旗

金璫五色瑞雲飄選吉日正麗景含韶好青春是

朝廷有道好青春是朝廷有道飈輪電燭映星旄

洽

宸襟詩歌蓼蕭雲標寶翰揭天搃皇衢慶霽籠霄一解恩

威闡澤敷八表百昌萬類咸荷鈞陶西被東漸聲

靈遠耀用觀民而設教元良頌凡有血氣者罔不

孚尊親戴甘露降榮光繞五雲中盡瞻天認赭袍

二解長路波迴兮峯遶航海梯山匪包茅烏弋黃支

絕域齊來到荷

天恩涵大造婆娑起舞歡欣醉飽舌人重譯感天怙昌

皇圖一遊一豫民歡樂招音作徵與角音君臣賡歌仰

熙朝三解騎竹童扶鳩老萬年清晏匝恩膏回輦深

恩承細草

皇朝文獻通考 卷二百一十一
慶皇圖第二十五

慶

皇圖肇域燕都重熙累洽

聖化覃敷玉燭調金甌固巡方兮繼迹有虞

解一

聖人之生首出庶物握乾符膺寶籙載歌天保何福不

除升恒兮日月居諸

解二

宏九有入三無惠蒸民膏

澤涵濡遷善不知衢歌巷舞嘉祥兮磅礪扶輿

解三

惟天之瑞慶雲甘露日有重光星有連珠惟地之

瑞澤馬山車醴泉兮噴若醍醐

解四

惟草與芝或紫

或朱惟鳳與麟或七或五金船銀甕遊于王所嵩

高兮萬歲長呼

解五

於皇樂胥撫茲疆宇思武之烈

思文之謨念彼車攻載于石鼓吉日兮申用三驅

解六禮官整儀羽騎星敷有旗有旒有旛有旗為龜

為蛇為熊為虎振振兮匪疾匪徐

解七

習習祁祁和

風甘雨稷翼翼黍與與屢惟豐年食我農夫農夫

兮瞻望乘輿

解八

翠華斯舉香惹御爐白雲出封青

雲干呂櫬槍為闔明月為堵塵清兮環衛周廬

解九

惟春有禘惟秋有助所其無逸以之以豫圭璧金錫思我

皇度皇皇乎一統車書十解相彼東山啟我土宇奄有四

海纘禹舊服

聖

聖相承以篤清祐卜年兮無疆之祚十一解鳳輦所經灤

灤湛露五行式序庶草蕃庶帳殿從容鼓吹和愉

虎拜兮箕疇歛福十二解

萬國瞻天第二十六

萬國瞻天慶歲稔時昌燦祥雲舜日麗中央翕河

喬嶽紀詩章附輿執靶標星象胥藝極復陳常正

恩威克壯奉金根陟向奉金根陟向帝心昭格

皇仁廣和鈴夏擊和鸞響德化風行草上刑措兵銷績

熙工亮一解春省秋省軫吾

皇軫吾

皇鈞陳肅穆出瑤閣叢花綠繞時和益時和益閃龍旗

泚泚揚揚閃龍旗泚泚揚揚羽林挾轂驟雲曩式

顛叩玉琢金相二解村村繪出昇平象豐享原野裕

倉箱一自龍輿降九闌談蕩仰龍光風淳俗美泉

水都廉讓都廉讓成功奏遐軌邁陶唐三解蒞春郊

烏啼花笑稅桑田晨正農祥繁華觸處艷青陽省

耕助洵匪幾匪康四解序人朱明當盛長雨肥梅還

釀清陰麥風涼裔雲翔眷言萬彙成敷暢菱荷香

帶御爐香御爐香

聖情悅豫堪延賞五解瞻秋原秋氣爽導鑾與黃菊香初

放躋公堂稱兕觥金風玉露葉涓棠萬壽祝無疆

六解乾亥風剛亞辰日朗禮垂冬狩排仙仗時納慶

歲迎祥時納慶歲迎祥沛殊恩沾浩蕩玉輅聽鏘

鏘酒醴笙簧飲堯樽歌舜壤七解以豫以遊引恬引

養黃童白叟欣瞻仰聲教訖被遐方直馨香紛屏

嚮八駿盡調良雲錦鋪張統車書同衡量統車書

同衡量八解

辰遊

層藻來天上覃闡澤恩波演漾喜起邁明良雖階相協

響

昊天命第二十七

昊天有成命受此丕基

武烈

文謨式穀是貽豐豐我

皇克纘鴻規敷天哀對罄無不宜

一解 欽若

昊天敷時繹思求民之莫夙夜其咨迄用康年維星協畢

與箕既富且穀迪彼秉彝聖敬日躋帝命式于九

圍二解憲憲令德抑抑令儀綱紀四方涵泳聖涯率

由前模惠澤勤施民之攸暨如取如携如填如篋

迪教不違

皇帝聖神天錫英姿聽聰視明法式生知并包蓄養解

愠絃揮仁滂施厚元氣淋漓千秋萬歲復觀似與

妣三解百姓昭明五典慎徽澣濯甄陶沁骨浹肌如

彼田矣亦既敷菑如彼室矣亦塗暨茨

皇心統天品物咸資維嘉維時樂矣魚麗四解翩翩之鴻

言漸于達皜皜之鷺言集于湄藹藹王多吉士赤

芾祁祁束修其躬慎乃樞機左右

天子盍簪勿疑五解隆然雙闕晏然三陴端拱明堂默運

璿璣禮陶樂淑俗易風移金儀測象玉律定時四

野八荒洵不遐遺淀有離隰有苑對時育物萬邦

是綏省方設教用致雍熙無封靡于爾邦惟日孜

我六咨我三公及爾庶司豈敢怠安無平不陂建

國親侯王者無私卜云習吉昆命元龜農事告成

秋以為期倬彼雲漢奎畢并觜揆文奮武營壘車

騎象緯昭回

聖人法之以補以助上繼姚姒億萬斯年壽考惟祺整

法駕揚華旗六軍雷動萬馬星飛白山崢嶸綠水

澌澌騶虞至鳳凰儀于疆于理

皇心則怡七渺渺川原坦然逶迤遺秉滯穗如京如坻

各峙乃糧以饗我師鳥獸充牣碩大蕃滋莫不震

叠永藉保釐七騶既馭萬眾咸隨鉤鈞鼓鐸幡然

旌麾逐獸追禽大戟長鉦為鏡為鑿常載旗左

律右鉞平于有司瞻彼翠華朱英粦粦星旗月鉞

錦韉珠斨禮百神奠四維王用三驅勿競厥威我

求懿德永王保之八張皇六師如虎如羆天休震

動周道馳驅策勲在廟莫不寅威戢干韜矢說禮

敦詩

天子是毗九灼灼芙蓉花粦粦楊柳枝植旒婀娜畫龍

與螭干盾騰拳逐豹與麋湛湛甘露酌以玉卮

陛下千萬歲撫御萬國歸銜羈十一王會有圖天葩芬奇

交間赤奕元繚碧基文蜃大鱗孔鳥臯鷄隴冠尊

耳露犬星施白鹿黃騏獻其貔皮在彼澤宮璧水

瀾瀾樹爾侯矣射熊與狸槐宸高聳棘路明熹鳴

葭駐罕麗日和颺四牡駢駢以車伾伾飲至言歸

十一解 駟四鸞駕六螭形雲分五老珠露浥三峴訪

姑射拜希夷執衡與規循理因資昭假遲遲恭已

無為十二解 誕敷文德懷柔神祇天命靡謔念茲在

茲周原稼穡小民之依蠲租賜復王言如絲裁成

輔相於鑠純禧首山之陽母采爾薇商山之顏母

采爾芝三老五更惠和宣慈有馮有翼爾性爾彌

袒而割牲謙謙是撝示我周行瑟鼓笙吹十三蠹

蠹恒山幽冀之治絳雲紫霞岐岐嶷嶷青書綠笈

神所護持包王孕帝駕軒鑠羲元泉神草瑞勒豐

碑爰命太常爰詔后夔式祀

上帝享以駢犧獻琮璧奏咸池奎聯璧合星斗陸離洞簫

玉管鳳羽麟差十四解 中澤有葵南山有楸豈弟君

子佩玉履瓊遭逢明盛文煥功巍三墳五典煌煌

麗辭願續雅頌永鎮屢屨十五

平西凱旋郊勞饒歌大樂章

二十五年定

帝效

天

天符

帝

天心所在

帝默契暘雨若風霆明呼吸感應通以飭冀天罰誅譎

說

聖人之兵不得已武功成王道昌順我者存逆者亡

皇威所訖周遐荒億千萬載德莫量錫慶長功符兩大

垂榮光

右帝效天一章十六句

爍月竊震日淵掃準夷開屯田式擴自伊犁地大

物齋若大宛及娑夷勃得咸慕思弗諉日中國有

聖人願類塞垣遂極亥章之步罔貸之鄉莫不奉正朔

備我外藩

皇朝文獻通考 卷二百七十一
皇帝愷樂錫福垓埏俾各康爾性壽爾年

聖人右爍月竈一章十七句
振王鈇天西極蠢爾回久拘繫爾之蠶禪之蠶出
爾水火登衽席俾敗爾田宅爾邑亭毒煦嫗沐我
化澤鷹胡飽颺猗反嚙溝逆煽亂其曷可弗殛振
王鈇威稜赫

右振王鈇一章十五句

庫車言言我兵旣攻有狡而伺其來如風雨殲醜
徒蜂矢蝟鏃拳厥獠毒賊頸股縮鄂根之河鯨鯢

橫波賊墮就斃固牢自邁惟彼僨轅勿戒伏莽烏
啼於幕魚漏於網

右攻庫車一章十六句

厥角稽乃四易將速進師所向讐伏弗梧弗枝務
面膜拜涕泗連沍曰惟我戎首突豨張鴟哀我憚
人肌瘡痍虵蟄之撼寧不自知斨不缺鏃不遺遂
直抵乎大荒之西

右厥角稽一章十四句

黑水之戰騎危脊懸軍深入爲所搃蜂屯蠃附聚

皇朝文獻通考 卷二百一十一
矢石我馬雖憊人無敵立成壁壘奮戈戟賊來薄
攻相距尺瞋目一呼盡辟易鉛丸著樹助我擊靈
泉火米資炊汲重圍三月莫敢迫古來誰與比奇
績萬賊之中兵四百
右黑水戰一章十二句
援兵來來白天矯躡景迅掣烟援兵來賊回顧奮
螳當脹蛙怒援兵來堅轉戰人裹血馬流汗援兵
來前軍回摧虎穴蹴蟻堆援兵來若神助數月前
奉詔赴

右援兵來一章二十句

阿克蘇何高旋軍暫以休蓄銳淬戈鋌選堅製輿
整名駒千隊來霜蹄籊雲浮以布易彼粟篚筐爲
乾餼士飽馬亦騰氣已無諸酋

右阿克蘇一章十句

鹿斯奔威所鑠兵再入批亢卻扼吭弗噬倚角斯
搏餘颺並窮駝蛩偕躩攜載輜重棄老弱走險假
息神錯愕火燎毛風谷籊

右鹿斯奔一章十四句

回城降式歌舞王師入各安堵約法數章爾摩爾
撫賦視賓布泉式園府噢咻爾民久墊苦蕃爾畊
牧釋爾刀斧昔穴巢今版宇煌煌

御碣昭萬古鴻荒以來此地獠狂睢眚豈曾隸中土

右回城降一章十六句

伊西洱兩馬不得驅賊殲不盡此負嶠自言一夫
當關萬夫莫踰偏師薄之忽驚潰倒戈降百千輩
賊酋顧之心膽碎獨跳而走惟其喙伊西洱功不
刊誰與侔格登山

右伊西洱一章十四句

和門開軍容壯大荒西隅內向傳檄索伏隍諸羌
聞之弗敢藏地狂畫夫細張驚絃旣隕觸藩復以
戕遣使詣獻屍已僵和門開旌旆揚滿營笳鼓歡
聲長

右和門開一章十四句

黃河千年而一清

聖人千年而一生曠古之事衆所驚惟

天有斷斷乃成握神符貫元精二萬餘里雷霆行密勿

天官指授六合清以寧

天斷成巍巍之功莫能名

右天斷成一章十四句

皇式有告觀于

列祖兢兢業業誕受

天緒綏此武功式廓是新守成勩業兼於

一人肇彼下國立爾丞民凡有血氣者莫不尊親大孝

承命錫嘏以純

慈宮稱慶天地忻忻

右皇式一章十六句

辟靡水流湯湯爛然五色昭文章豐碑告功峙宮

墻鐘鏞鼗鼓同鏗鏜皎如日月中天光鴻庸鉅製

相得彰包舉要義重闡揚崇論開惑示萬方羣蒙

洞豁祛疑鄣願壽琬琰揭講堂觀摩維誦垂無疆

右辟靡一章十一句

帝圖鞏鞏以大率土之族延頸面內登三成五昌期會

羣臣請上尊號

皇帝讓弗許益持盈而保泰欽承

皇朝文獻通考 卷一百一十一
天命夙夜匪懈方論功行賞恤士卒問民疾苦無出明年
租稅天之所覆恩皆沛於胥樂兮千萬歲

右帝圖鞏一章十二句
平西凱旋郊勞凱歌樂章

膚謨獨運武功成天柱西頭奏永清候月占風傳自昔

試聽今日凱歌聲其往歲伊犁振旅回名王尺組

就俘來天西月窳咸星拱戎索遙從昧谷開其狼

狽相兼弟與昆虜庭久繫兩花門九天忽遇王師

下破械先施再造恩其賜歸舊部寵榮多俾撫殘

戎釋網羅但使祁連山作礪不教蒲類海揚波其

何期鷹眼終違化翻肆鴟音煽逆塵朔草並霑天

上露黃沙偏負塞垣春其恢恢天網本來寬稔惡

誅鋤務欲殫宵旰從容宏

廟畧偏師重進取兇殘其梯衝烈烈庫車垣浦寇倉皇

竟反奔那識降人爭獻欵亡巢徼倖漏遊魂其虎

符申命下丹青壁壘旌旗煥一朝頓覺三門新氣

象元戎更拜霍嫖姚其一軍早定沙雅爾百堵旋

收阿克蘇萬里風馳還電掃大兵直壓賊城孤其

蟻結蜂屯三閱月熊蹲虎踞一當千如山軍勢原

難撼醜類空教倒戟旋其十橐囊不待異糧行早喜

因糧在敵城奇應何須驚雨粟地留火米待神兵

其十天漿那挹斗杓盈陸海茫茫疎勒城忽報靈

泉隨井渫滿營歌舞拜王明其十鼯鼠從知技已

窮著林飛礮響隨風鉛丸拾得還殲寇翻為

天朝助火攻其十天廐飛騰萬騎來追風已過拂雲堆

更番士卒符神算恰作奇兵拔壘回其十六城唇

齒振和闐一夕降旗因壘傳五里何妨迷涿野轉

乘霧霧靖狼烟其十羣番秉令盡從風聯部扶携

厥角同重譯獻來回字表喜為臣僕象胥通其十

繡旗乍捲銳師分戈壁風沙結暮雲半夜賊營齊

破膽驚從天上下將軍其十腹背交攻攻並力爪

牙盡挫挫安逃天風吹蕩虬蟬陣伏穴潛藏似犴

牢其十葉爾奇木門洞達哈什哈爾城崔嵬此間

風景古未識祇今惟有天兵來其十纏頭夾道拜

旌旗涸澤揚沙久赫曦最是神奇迴造化雨師今

亦迓王師其十久傳婦子望雲霓今聽歡呼應鼓

罄跪捧雕盤爭獻菓葡萄蒟醬比難齊其二殊方

何幸戴堯天從此坤城列市廛薄賦但教供苜蓿

同文先為易金錢其二勁師分道襲刀環轉戰經

時草木殷入夜窮追聲影絕山頭明月一弓彎其二

三萬眾爭先虜氣消呼聲天半落盤鵬至今人過

伊西洱猶覺轟霆撼碧霄其二舊聞天宇原知向

今警神鋒不可撓一一顛顛盡泥首夜來刁斗靜

無聲其二陣合將軍飛羽箭戰酣勇士掣瑠戈降

戎奉檄皆鷹犬兔走山前得脫麼其二殘生暫保

齊那爾狡窟難尋罕布孩白鵲旗高酋逆首都丸

親奉凱書來其二蟻勝蜚肱自不支親離眾叛欲

何之輕刀斫陣蹂輕騎又報分張貳負尸其二奏

捷星馳絕域書御圍雲物小陽初葭灰未動春先

到應瑞花爭四照舒其二送喜璇閨晝正長共邀

慈福樂時康武成敬頌無疆壽錫類同瞻日月光其三山

川競說方輿記風土爭傳王會圖此日西維逾二

萬崑崙猶自在東隅其三默伽樂國舊曾誇豈謂

還成井底蛙自此天方增喜色真教土宇屬天家

其三 旭日曠曠元象開八絃七政在璇臺嚕斯納

十二 默知欽若同向莫階奉朔來其三萬古冰山雪巘十三

間盡教職貢附朝班落梅何處春風笛一路筠沖

接玉關其三獻馘膚功紀泮林十四

天章更勒遠山岑祇看雲漢昭中外字字唐虞二典心

其三 功成始仰十五

廟謨神測海捫盤見未真崇論昭宣龔昧覺共欽至理

析天人其三十六

泰壇琮璧陳天貺

清廟圭璋告大猷盛典輝煌羣祝嘏

皇心肅穆自凝庥其三日麗風暄敞鳳樓九霄丹詔瑞十七

雲浮敷天湛露恩施溥奏凱聲中愷澤流其三駿十八

烈都從

睿斷成登三咸五總難名只今尺筆收天外歲籥纔看

第五更其三舞羽橐弓偃六師策勛飲至拜丹墀十九

小臣願譜鳴笳曲珥筆慙無朱鷺詞其四十

御製平定兩金川凱歌

乾隆四十一年定

廿四中秋夜丑時木蘭營裏遞紅旗本來不寐問軍報孰謂今宵宛見之其七千里外路迢遙向十餘朝

茲八朝可識衆心同一志嘉哉行賞自宜昭其賊巢

最是勒烏圍甲雜小連囑喇依破竹勢成應不日速

傳捷信願無違其行營半夜那來喧却是紅旗到叙

門五載勤勞同上下鴻勳集總沐

天恩其紅燈一點引紅旗頃刻行營人盡知舊部新藩同

賀喜古來報捷可如斯其成言原有付兒行一見紅

旗卽奏將雖是

慈心早知喜更馳侍衛報山莊其一破賊巢飛騎馳未遑

詳悉盡陳之將軍宜力應優賜先示端倪加勉宜其

前次受降惟戢斧今番報捷乃犁庭敬承

天眷能無慰未至武成心未寧其宵衣惟吾理合然喜而

不寐那能眠乃知屐齒事誠有較彼殊猶高下懸其

三捷盼來一月間此時軍務正相關執渠掃穴歌耆

定佇待郊臺奏凱還其甲午桃花寺蹕停軍書正此

俯窺其幸哉今日仍憑處綠柳中飛一點星其十勒

圍報捷夜行營重值上

陵晝返程一刻萬人齊色喜光明日月永銷兵其十三穴

猶延一月餘六軍奮勇豈饒渠周遭火器熾攻處早

爛區區釜底魚其十旬餘棧驛八朝至一片旗紅萬

馬飛來路羣番喜且懼國之慶也國之威其十四險惡

山川靖梟獍邪深機阱絕根株從今番部都安堵強

食奸欺自此無其十五蠶叢絕險隱妖氛百戰功成古

未聞鼙鼓冬冬聲凱獻羌兒稽首送將軍其十六堅礪

林立萬重山破險衝鋒歷盡艱奏績都資軍將力紅

旗一道入桃關其十七姜維征處號維州艷羨戎人語

語留今日勒圍為內地無憂城果是無憂其十八盼捷

經冬復入春垂成偏覺意屢頻今宵料得方安枕明

告慎哉用武人其十九流離此日穴巢傾耆定從茲可

罷兵歌凱莫教容易聽五年功幸一朝成其二十郊臺

仍是此郊臺何幸重修盛事來漫謂數年經契濶精

神注似日相陪其二十一勲臣率拜列靈旗軍士鳴螺赫

武儀樂奏饒歌行抱見詰戎

家法萬年垂其二十二已已班師本受降庚辰郊勞典鴻龐放

牛歸馬子素志凱獻何期此見雙其二十三準部回城定

五年金川小寇亦如前嘉子將士久敵愾不覺對之

增惻焉其二地險加之衆志堅林礪步步戰而前小

於昔事難過倍慰意恒因意惘然其二鑿穴而居避

火器終於面縛出蕃城貪生螻蟻固如此聚族將焚

語豈誠其二倏經于役五春秋棧道崎嶇似坦郵夾

路花紅復柳綠阿誰致悔覓封侯其二脫却戎衣換

吉衣龍章示獎特恩稀同心戮力還掄最便解天閑

賜六飛其二兵洗金川永不波潢池跋扈竟如何良

鄉近遠多黎庶歡喜都來聽凱歌其二凱歌亦豈易

爲聞五歲辛勤勞衆軍我實未曾安五夜幾多憂慮

與平分其三

平定兩金川凱旋郊勞饒歌

聖畧宣

皇威鬯風行電激物震盪物震盪聲靈馳靡堅不破高

不摧曩西域版圖廓二萬餘里我疆索兩金川敢

坑干自作不靖適自殘五載底績除兇頑春風吹

鏡入桃關奏凱還虎臣羆士皆歡顏

右

皇威邕一章十六句

索諾木僧格桑龜生羆狙附狼始蠻觸相尋奚事
斧斨越數歲益蠶食鄰境遂各罹其殃矧聞維州
之謠禍心包藏浸假約束是借

恩德是忘勢在不得已整我戎行師出以慎動罔勿臧
用乃聲厥罪懲厥狂

右慎行師一章十七句

赫斯怒兩軍指朗從拉從風靡取達圍克資哩西
路角之南路倚約咱既得卡了救革布什咱復其

疆里險如達烏安足恃鉦擊柝應俾在魄震禡夾
擊威洊雷駛

右犄角攻一章十五句

小金之屏曰僧格宗孫攀不度堅礪如叢我軍先
登摧枯振籜采入其阻直抵美諾布朗底木追圍
窮林厥子喙走厥父就擒汗牛板昭傳檄帖伏趨
拉悉平軍聲赫濯

右攬拉平一章十六句

促浸酋爲遁逃藪罪惡尤鞠旅移指討厥比周徑

阻雪積我軍遲留彼潛伺徼剋逞其狡謀降番應
之紛相投屹然南路整衆還輶新壁壘厲鋌矛遂
進次乎日隴之陬

右討促浸一章十四句

簡我禁旅勇且健七千其衆一敵萬統以將軍旗
鼓建定西印授西路進南路是副聲並震獎率趨
材馳敢戰擐旗摩壘士氣奮履險如夷兵不頓有
若熊虎懾颯颯僭拉全境雜株蔓曾不旬日收復
徧號號如霆一何迅

右迅霆復一章十二句

八旗兵來如風西路入谷噶通南之隘克馬尼

去聲

拉窠卡大如礪醜三路心力齊一阻險功在西喇
穆山日則口據默格斷其後八旗兵勇可賈緣營
衆悉鼓舞

右八旗勇一章二十句

我軍馳先聲醜徒志以離竄渠伏冥誅械獻貳負
尸七圖及蒙固縛之如連雞系孛側累來檻致於
京師咄哉窮猿僵禍速焚林貽

右窮猿僵一章十句

北路險曰宜喜賊死守限尺咫絨布移兵循塗西
指綽斯請留願効驅使出奇制勝賊披靡昌雨揚
兵兵爲洗扼山梁築吾壘

右扼宜喜一章十二句

乘勝攻城拒遏堅礪蠹重壕掘康薩爾山徑險且
峯鹿角如麻憑阻輻輳我軍薄之若排闥曷深曷
巍一躍而越踞厥巔蹂厥穴木思工噶取如掇臨
高壓之下視巉巖蒙茸氣吞力隨拔

右越重壕一章十六句

河之西穢棘不可窮元戎決勝合力攻俾賊顛不
得顧趾不得容日旁以右羅寨柵棄而逃羸豕踣
火其崖垠照燭赫五十里間地爲赤賊潛喘餘燼
灰飛將軍從天來

右河之西一章十四句

夾河陳軍相望風雲通氣益壯噶爾丹旣攻建瓴
注之扼彼衝清後路勝算雄狙伏爲患惟遜克爾
宗梯牆斫穴如抉叢後路清賊勢窮世臣繼勇勲

名崇

右後路清一章十四句

昆色爾高騎脊危拉枯下瞰烈焰飛蓄則大海鞭
一揮奇謀百出克勒圍八月中夜半時月光鏡膽
寒妖魑狡有三窟一窟固已摧磨盾馳木蘭八日
來紅旗

右一窟摧一章十一句

西里既剗卡角斯折彼頑不靈螳斧當轍索隆科
布屢摧其堅安布魯木迅掃其孱舍齊暮擣雍中

朝塞盡撤藩以入巢幕岌焉賊境日蹙百纜一存
釜底羣聚遊魂曷延

右釜底魂一章十六句

賊負固噶喇依困獸猶鬪四面圍批其心腹外不
步甲雜獨松潰河西馬邦拾芥彼自隳陸置水罟
會我師環以巨礮焦灼期計窮乞命俘渠魁罪人
斯得逮旄倪穴蟻迅掃無留遺定以百戰誠若斯
右穴蟻掃一章十二句

武功箴

珠丘告禮成

駐蹕露布適報策勳懋賞下

明詔遂奉

慈輦東狩還舉

郊勞儀獻曩俘於

社

廟崇善歸美尊上

徽號

親製紀功碣勒太學第功臣次宴紫光圖其貌屯師設

鎮治聲教億千萬禩安笮徽

右

武功成一章十六句

上告禮成

駐蹕露布通報節制

明詔遂奉

重東行禮

郊方儀款

正

五夜如一章十六

本

皇朝文獻通考卷一百七十一



